

در سعادتده باب عالی جوارنده
داره مخصوصه

مجله اداره :

مصلحت‌العرفان

خطار :

مسئله موافق آثار جدیده مع المنوبه
قبول اولور
درج ابدیه بن آثار اعاده اولور

دیه، فلسفه، علوم، حقوق، ادبیات و سیاسیات و باطاهر کرم سیاسی و کرم اجتماعی و مدنی احوال و شئون اسلامیه و بحث ایدر و هفته در نشر اولور.

آبونه بدلی

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

سنه لکی التي آتی

ملاک عثمانیه ایچون	۸۰	۴۰	غروش
روسیه	۶۰۰	۳۰۰	روبله
سائر ملاک اجنبیه	۱۷	۹	فرانق

تاریخ تأسیسی

قبیله دن مقوا بورو ایله کوندریلیرسه سنوی
۲۰ غروش فضله آلیر

۱۰ تموز ۳۲۴

عدد : ۸۱

۱۲ ربیع الاول ۳۲۸ پنجشنبه ۱۱ مارت ۳۲۵

در دنجی جلد

دیلمرده داستان اولدینی حالد اهلینک ازیچی بر استبداد آلتده
بو کوله رک یاشامسی، دائماً کیزلی بر خسته لغت خلقی کیمرمکده اولمسی حسیه
بو حکومتلرک تاریخی ساسله شایع تشکیل ایتیمکده اولدینی و امور
دینه ده کی اختلافات شدیددن متولد بی نه یه قهر و تعدیلرک جهانی
قابلا دینی تصویر ایدیور .

دوقور (دوزی) سرد و اتیان ایتدیکی بو افاداته مقدمه ده بیان
ایتدیکنز اوزره جهانیه مستولی اولان احوال شورش مال و منازعات
مصائب اشتالان طولای ابنای بشرک یکیدن وضع قوانین ایله اصلاحات
عظیمه یه محتاج بولندقلرینی اعتراف ایتش اولور . بو حالد - بالا طرف
ایضاح اولدینی وجهه - بعثت جلیله احمدیه نک بو احتیاج عمومی
اوزرینه مترتب ، صلاح عالمی موجب بر رحمت ربانیه اولمسی ده انکار
ایتیمک لازم کایورسده بو جهته یناشمق ایشنه کلیور .

ثانیاً : خورشید اسلامیتک نا کهای بر صورتله ظلمات کوناگون
ایچندن اشراق و در عقب احاطه اقطار و آفاق ایتیمسه اظهار حیرتله
شو یواده خامهران مقال اولور .

« ایشته بو صیروده ایدی که وقتیه متعدد قبائل بدوییه منقسم و اکثر
اوقاتده یکدیگرله محارب ایکن شمدی ایله دفعه اولارق برایشن یکی بر
قومک آز معلوم اولان چولدن بردن بره خروج و صحنه عالمه ظهور ایتدیکی
کورولدی .

مفتون حریت ، طعام و لباسنده ساده ، نجیب و مسافر پرور ، شن و فطین
فقط عین زمانده مغرور ، تیتیز ، احتراصاتی او یاندرلینی زمان منتقم ، صلح
ناپذیر و بی رحم اولان بو قوم درکه اعصار دیده ، فقط ایچندن ینیش اولان
ایران امپراطورلغنی ییقدی ، قسطنطینک خلفلری اللرندن الک کوزل و لایترینی
آلدی ، آز بر زماندنبری مؤسس بر جرمانیا قرالیتی آیاقلری آلتنه آلاق
متبانی اوروپای تهیده قویولدی . حالبوکه عین زمانده بو قوم نو طالعک
غالب اردولری دنیانک دیکر بر اوجنده « هیالایا » طاعلرینه قدر
کیریوردی . فقط بو قوم بر جوق دیکرلری کبی بر قوم فاتح ، بر قوم

لبه مولد النبی علیه السلام

ظلمتده قالان زمین شرقه

صاچدک یگیدن سما سما نور

بر فیض عظیم وار که سنده

حیران اوکا بیک صباح مخمور

ای لیل دوام ایدوب کیده یدک

فردایی ده نوره قلب ایده یدک

تاریخ اسلامیت

نام مستعارده درقور « دوزی » نک ترکیبیه مفرم رسالته

فارسی ربه

— ۱۰ —

ترجمه اولمسی ادعا اولنان تزویرنامه یه نظراً معهود (دوزی)
ساخته تاریخ اسلامیت عربستانک دین ابتدایی دیبه باشلاور .

اولا یدنجی عصر میلادینک اوائلده یزانیس و ایران امپراطورلقلری
آرمسده آسیای غربیه تملک داعیه سیله خیلی زماندنبری تشدد ایدن
منازعه و مقاتله دوام ایتیمکده و ظاهراً معهود و آبادان ویرکیردن تراکم
ایدن خزینهلر سایه سنده پایتختلرک هر ایکسینده کی زینت و احتشاملر

کدور کشا دیکدی . زیرا او عین زمانه بر یکی دین نشر ایدیوردی .
ایرانلرک ثنائیتی و متردی خرسیتانلق اوکنده صاف بر وحدت ربانیه اعلان
ایدیور ایدی که میلیونلرجه آدملر طرفندن قبول ایدلش ، وفی زمانه هذا
بوتون بی بشرک اونده برینک دینی تشکیل ایتکده بولومشدر [۱]

دقت اولنیوریا ! «دوزی» ده قوم عربک نجیب و فطین ، مفتون
حریت و مسافر پرور ، سادکی «وزره یاشار» آلاشیدن قاجار بر قوم
اولسنی اعتراف ایدیور . فقط سائقه تعصبده اونلرک عین زمانه
احتراساته تابع ، غرور و انتقامه اسیر ، مزاجیدن عاری و صالح ناپذیر
اولملرنی اعدادن کیرو طورامیور ، محافظه اعتدال ایدمیور .

ایشته بو توصیفات تناقضدن بری اولماقله برابردهشتلی افرالری ده
سجودیدر . قوم عرب دیدیکی ، ایلك اسلامیت ناشرلری ، جماعت
کزین اصحاب ایله اونلره التحاق ایدن عرب دلاورلری بوتون انصافپرور
مورخین نظرنده غایت ممدوح ، ثنا و ستایشلیله صحائف توارخ مزین
و مشحون اولدینی حالده بی طرف و ناموسلی عد اولسان بر مورخ
اوزمره عالیهنک ذم و قدح لرینه یلته نمه مک لازم کلیر .

فتوحات اسلامیهنک مبدأ توسعی فاروق اعظم حضر تلرینک دور
کزین و عالیبریدر . او دورک محتوی اولدینی حسن اداره و عدالت
ایسه یار و اغیارک تقدیر و اعترافنه مقارن بر حقیقت باهره در ، او درجه
ثابت و آشکاردر که بو مقامده اطناپ مقاله حاجت برامیور .

فقط نیچون (قسطنطین) ک اخلاقی الندن مسلمانلر سوریه ممالکنی
نزع ایتسونلر ؟ نیچون بر طاقم قرالقلری یا مال ایدرک قوت و بسالتلر بله
بوتون اورویایی تزلزله اوغرائسونلر ؟ بالخاصه اوروپاده خرسیتیانلق
انتشار ایدوب طوررکن دین محمدی نشرینه موفق اولسونلر . اونلرک
بو درجه احراز تعالی و غالیترلی ، بو قدر فتوحات و فیوضاته مظهریتلری
بی طرف ! دوزی جنابلرینک جانی صیقماز ، غیظ و عداوتنه باعث
تشدد اولمازمی ؟

باقکیز ایشته مترجم بی وایه نك، دین قرداشلنی ادعاسنده بولندینی
عوام مسلمینی کنیدیسی کی پرستشکار ایتکه چالش دینی دوزینک
ماهیتی و عالم اسلامیه قارشى حرکتی نه مقوله شیلردن عبارت اولدینی
دها ایلك سوزلریله آکلاشمقده در .

بوندن سوکرا بویکی دینک تاریخی یازمق ایسته دیکنی خبر
ویرینیور . بودینک ناصل وجود بولوب ، نه کی ترقیاته دین سابقدن
حقیق دینی حل ایتک لازم اولدینی و فقط ایلك آدیمده کنیدیسی
غریب بر مشکلات ایچنده بولدینی ، چونکه عربلرک دین قدیمی ایله
دنشا اسلامیت حقنده اک یکی اوله رق یازیلان اثرلریله مؤلفلرینک

[۱] ایکنجی جلدک ۵۶ نجی صفحه سنده بوتون اسلامیت سالک لری
یوز میلیون تخمین ایدیور . فقط بالجله ممالک روسیه ده یالکزی ایک میلیون ،
بوتون هندستانده ۱۶ الی ۲۰ میلیون مسلمان بولمق حسابله . بو حسابلرک
بطلانی ایسه هر کسه معلومدر . حتی مترجم متجاسر بیله انصاف ایدرک مسلمین
هندیه بی آلتش میلیونلرجه چقاریور . آرتق بویله بر میسیونری ایسترجاهل ،
ایسترمقند فرض ایدلم . هر حالده عصر من حقنده ویردیکی معلومات بویله
اولورسه اون اوج عصر اولکی حالاری نه طرزده تصویر ایده جکی بیاندن
مستغنی اولمق لازم کلیر .

غیرت لرینه ، فرط ذکالرینه رغمتاً - کنیدیسنک ارادینی وضوح نانی
حائز اولماقلرندن باعث خوشنودیسی اولما دینی درمیان ایدیور .
مؤخرأ کنیدیسیچون بر خط حرکت اتخاذا ، برمسلك تعینی باینده
معنالی ، معناسز برخیلی کشتگولر شرد ایدرک بر آره لقی اجنبی
حروفاته «حروف عربیه ایله» محرر مستشهادت مطلوبه اوزرینه
مبتنی دلالتله مراجعت لزومنی حس ایلش ایسه ده بونک ده کتساب
کنیدلرینه مخصوص قارئلرجه تأمین مطلوب ایتیه جکنی دوشونش ،
ویناء علیه بوطرزا اوزره بر کتساب تألفنی بشقه بر زمانه صاقلامش
اولسندن بحث ایدیور ، بعده مبحث حاضر ایچون عمومک قبول
ایتدکاری افکاری آلوب کنیدی فکرلرجه تعدیل ایتکی امکانسز
کوردم . نهایت عمومیتله مرعی افکاری بالتعقیب دیکرلری طرفندن ،
از جمله محمد «صلم» ک ترجمه حالی یازانلرک اک یکیمی ، اک مکملی
اولان «شهرنکر» طرفندن استحصا ل اولنان نتایج حصر نظر
ایتکه قرار ویردم دیور .

بوندن سوکرا ده یالکزی میلادک آلتنجی سنه سنده عربستانک
حال دینسنه دائر بیاناتک مسئولیتی اوزرینه آلوب متباقی زمانلرا یچون
یعنی اسلامیه عانداحوال ایچون ایش اولیله اولما دینی بیان ایله کنیدیسنک
حالا تردد ایچنده اولدینی اعتراف ایدیور .

ترجمه معهوده ده مؤلف دوزی به نسبت ایدیلن خلاصه مفادی
بوندن عبارت اولان اوج صفحه به قریب مشتمل و غایت روزلی افادات
ایچنده بزجه شایان انتقاد بر قاج فقره واردر :

(۱) دین مبین اسلامک بشقه دیندن مأخوذ اولمق ادعاسیدر که
ایلروده ، عقیده و آیین سرلوحه سیله ۱۷۵ نجی صفحه دن بدء ایدن
بشنجی مبحثده بوکا دائر تحکیمات عجیبه بر طاقم اسنادات کاذبه
کوروله جک . از جمله اومبجشک باش طرفی اک کولنج قوم دیادن
بشقه برشی عد اولنه میان بوافسانه لر تشکیل ایدیور .

«اسلامیت قادار آز اضلیتی اولان دین یوقدر . اساس اوله رق
حنفیلک وزرد دشتلک تحت تأثیرنده توسع ایتش اولدینی وجه اوزره موسویلک ،
عربستانک دین قدیمندن و خرسیتیانلقدن ایدلش بعض استعارات . نهایت محمد
«ص . ع» ک اک بیوک واک صوک نیاه اولدینی اعتقادی . ایشته مکمل
پیغمبرک وعظ و نشر ایتش اولدینی بوتون سیستم ، بوتون منظومه امور
مذهبییه بولردن عبارت . قران نه درین فکرلری ، نه ده علوی و دلربا برلسان
ایله افاده ایدلش نظریات شاعرانه بی محتوی دکادر . مسائل معظمه بی حل
ایتکه غیرت ایتز . اسلامیت شبهه سز دینلرک اک نثری ، اک یک ادا اولانی
اولدینی کی تعدیل و تکمله ده اک آز مستعد اولانی در»

بونک اوست طرفنده ده محمد «ص . ع» هیچ بر وقت بر مخلوق
فوق الطبیعه یاخود بر مخلوق اساطیر اولامشدر» عبارده سی واردر که
مترجم بوسوزی تأیید مقامنده علاوه ایتدیکی بر حاشیه ده «قرآنده» انا
بشر منکم یوحی الی «دیه سی ده السانلرک بخارجنده بر انسان اولدینی ادعا
ایتدیکنه دلیل قطعیدر» دییور . اونلرک بو افاده اخیرده دن نه دیمک
ایسته دکارینی آکلایورز «محمد بشر لا کالبشر بل هو کالیا قوت بین الحجر»
حقیقت قطعیه سنه قارشى عادیلک کوستریورلر . حالبوکه بی نه سایه
مأثر جلیله حیرتخوارلیله عالم انسانیتی احیا بیوران سلطان انبیا

بوگون بر خیانت اولسهیدی بنم شرعه متابعتدن بشقه چاره سی اولمازدی . (بیضاوی)

بناء علی ذلك معنای حقیقیجه « اسلام » بوتون شرائعك روحی، بالجملة انبیانك دین مسلوکیدر . فصل که سوره آل عمران اوائلنده « ان الدین عندالله الاسلام وماختلف الذین اوتوا الکتاب الا من بعد ما جاءهم العلم بشیاً بینهم الخ » بیورلمشدر . معنای شریفی « نزد سبیحانیده مسلك كزین داثما دین اسلامدن عبارتدر »

[حصری مفیداولان بونظم شریف انبیای عظامك تبلیغ ایتدکاری، هرشریعت التیهیه منطبقدر . زیرا بوتون شرائع شریفهك روح کلیسی متجددر . بین الشرائع بعض تکالیف وصور اعمال اعتباریله تخالف وقوعی بواتحاده مانع دکلدر . بناء علیه حضرت (ابراهیم) .م وسائر انبیای فخام قرآن کریمك مواضع عدیده سنده وصف اسلامه توصیف اولمشلدر . « اذ قال له ربہ اسلم قال اسلمت لرب العالمین . ووصی بها ابراهیم بنیه ويعقوب یابنی ان الله اصطفی لکم الدین فلا تموتن الا واتم مسلمون » ، « ومن احسن دیناً ممن اسلم وجهه لله وهو محسن واتبع ملة ابراهیم حنیفاً »

الحاصل حکم قرآنده مسلم حقیقی هرهانکی ملتدن ، هانکی زمان ومکانده اولورسه اولسون اعمالنده مخلص ، شوائب شرکدن خالص اولان مؤمندن عبارتدر . بوکا بناء « ومن یتبع غیرالاسلام دیناً فلن یقبل منه » نظم جایلنده اسلامدن بشقه هر دینک مردود اولدینی افاده بیورلمشدر]

« علمای اهل کتاب بو حقیقته آشنا اولدقدن صوکر محض بنی واعتساف اثری اوله رق ، اختلافاته دوشه رك دین اسلامدن خروج ایتشلدر » یعنی اساساً دین براینک رؤسای ادیان تجاوز حدود ایله بین الناس اختلاف ایقاع ایتدیلر . تعصباتی تحریک ایله دوام مقاتلاته بادی اولدیلر . « ولو شاء الله ما قتل الذین من بعدهم من بعدما جاءتهم الیینات . ولكن اختلفوا الایة »

بزیقیناً اعتقاد ایدرز که مسیح علیه السلامك دینی ده اساسی توحید وتنزیه اولان دین اسلامدن عبارتدر . حق اولان انجیل ده مصرده مطبوع « انجیل برنابا » طرزنده بر کتاب مقدسدر . لکن رؤسای روحانیین وملوک نصاری بیننده کی تفرق واختلاف تأثیراتیه بودین واحد الهی یکدیگرینه مناقض ، مقاتلات عظیمه به بادی برچوق ادیان ومذاهبه منقلب اولدی . اگر قرآن کریمك بیان ایتدیکی بنی وتمیدیلر وقوع بولماسهیدی توحید وتنزیه دعوتله دین صحیح مسیحی نی نشره چالیشان یچاره « آریوس » ورفقاسنك جمعیتلری پریشان ایدلمزدی . حالبوکه میلادك « ۳۲۵ » سنه سنده قسطنطنیهك امریله عقد ایدیلان مجرده ، مجلس رهاننده آریوسك کفری اعلان ایدلدی ، کتابلری یاقلدی ، او قویانلر آفوروز ایدلدی ، ازینقده عقد اولنان بویوک بر مجعده ثلاث عقیده سی قرارلشدیلرلدی . آریوس مذهبی مؤخرأ ایکنجی « تیودوسیوس » زماننده تکرار رواج بوله رق انتشاره باشلادی . فقط « ۶۲۸ » سنه سنده نشر اولنان برروما قانوننه تطبیقاً

افندمرك دنیاده مثلی کورلمش اولمادیغه دائر اك بویوک وعالی نظر ذوات طرفندن ویریلن قراره قارشى بوندن آجیق سفسطه اوله ماز . بوندن بشقه مترجم متجاسر « قرآنده انا بشر » دیه سی تعبیر یلده قرآن کریمی کندی کلامی اعتقادنده اولسنی بیانله ارتدادی برده اعلان ایتش اولیور . (العیاذ بالله)

شمیدی اصل ادعایه کله لم : اسلامیتك بشقه بر دیندن مأخوذ اوله . میه جفنی بزمقدمه ده دلائل باهره ایله اثبات ایتدک . رسول اکرم افندمز حضرتلری امی اولدقلری جهته کتب سماویه دن ، تحصیل وتعلم ایله اشتغال بیورمدقلری ایچون علمای اهل کتابدن مأخوذیت احتمالی اولمادیفی کبی بعض معاندین طرفندن تجویز اولندیفی اوزره تصادف اولنان یهود ونصارادن التماع طریقله تاقی احتمالی ده قطعاً باطل اولدیفنی بالاطراف ایضاح ایلدک .

بناءً علیہ بونلرک بواخذ و تلفیق اسنادلری محض افک وافترا اولدینی میدانده در . چونکه تواتراً ثابت اولان امیلکه قارشى برشی دیه میورلر . تحصیل وتعلمه اشتغال بیوردقلری اثبات ایده میورلر ، شوندن ، بوندن استماع وتلقى ایله بویله بر دین عالی تأسیس اولنق احتمالی ایسه هیچ برعاقبت تخیل ایده بیله چکی شیلردن دکلدر .

فقط بوحریرلرک بر قسمی ذاتاً منکر الوهیت اولدقلریچون بالطبع وحی ونبوته قائل اوله میورلر . دیگرلری ده عهد عتیق وعهد جدید تسویه ایتدکاری کتب سماویه بی بلا سند اثر وحی الهی عد ایتدکاری حالده سابقه تعصب وجهالتله سیدالانیا افندمز حضرتلریك آثار باهره ایله مقرر ومبرهن بولنان نبوت جلیله لری انکار ایدیورلر . شریعت اسلامیه بی تکذیب غرض فاسدیلده بین الشرائع تحقیق ضروری اولان تشابه وتناسبی اورتهیه سوره رك بویله بر ادعای باطلده بولنیورلر . ایشته (دوزی) ده بومقوله بر منکر معاند بولندیفی ایچون « اسلامیت قدر آزا صاتی اولان بر دین یوقدر » مقدمه مزخرقه سندن طوتدورارق بر سور و هذیانلر صاورمشدر . (بین الشرائع تشابه تحقیق ضروریدر) دیوروز . اوت ! بوسوزمز قابل اشتباه اولیان بر حقیقت قطعیله در که بوکا بناء قرآن کریم حقنده اهل کتابه خطاباً « وآمنوا بما انزلت مصداقاً لما معکم » بیورلمشدر . یعنی « سرك استصحاب ایتمکده اولدیفنک کتاب سماویلری مصدق ومؤید اوله رق ازال بیوردیغ کتاب کریمه ایمان ایدیکز . »

زیرا قرآن مبین ایله کتب سالفه بیننده قصص و اخبار ، وعد و وعید ، توحید وتنزیه دعوت ، حقه عبادتی وخلقه عدالتی امر ، بالجملة منکرات وفواحدن زجر خصوصاتنده عیناً ، تفاوت اعصار اقتضاسه کوره مختلف اولدقلری احکام فرعیله ده ده اصل واساس اعتباریله تطابق وارددر . چونکه هر برنده مخاطب اولان مکلفینک مصالح حاضرده سنه مراعات بولنق حسیه نازل اولدینی زمانه نسبتله حقیقت نمایاندر . حق کتاب متقدم ، کتاب متأخر زماننده نازل اولسهیدی اومنوال اوزره نازل اولوردی . بناء علیه رسول اکرم افندمز حضرتلری « لوکان موسی حیا لما وسعه الا اتباعی » بیورمشلدر . یعنی حضرت موسی « .م »

بوتون آریوسیلر قتل واستیصال، مذهبیری محو و ابطال اوندی . آراتی اورته ده یکدیگرینه معارض مذاهب تشلییه حکم فرما اوله رق قالدی .

[فقط بوندن طولانی عالمی تعیب ایتدی که من حاله کندی باید قلمزمنی اونو تمایه لم . بزده ده امامت و خلق قرآن کی بر طاقم مسائل غیر اساسیه ده ارباب سیاستک تحریک ایتدی که تعصبات بارده سبیلله یک چوق اختلافات، بی لزوم اعتسافات حادث اوله رق احوال مؤسفه یه باعث اولمشدر، حالاده اولمشدر . کچن کونلر حادث اولان بخارا مقاتلاتی کی بوتون عالم اسلامیتی دلتون ایدن وقایع اکسک اولمایور . ان شاء الله بوندن بویله ایمان صادق و عقل سلیم اربابنک غیرت و همتلری ایله جهالت فاحشه ارتفاع ایدرده بین المسلمین ایقاع اولنان هر درلو شقاق و اختلاف بر طرف اولنور، عهد نبوی و دور خلفای راشدینه اولدیغمز کی وحدت و ائتلافه عودت ایدرز]

الحاصل قواعد اساسیه شرائع متحد اولغله حق و حقیقی اولان یهودیت و نصرانیت جهات عدیده ایله اسلامیه مشابه اولدیغی کی بعد لتجریف اوغرا دقلاری انقلابات ایله برابر دخی بعض احکامده توافق ایده بیایرلر . کذلک اساساً سماوی، وضع الهی اولمان دینلرده بیله ادیان صحیحهدن مقتبس بعض مشروع و طوغرو حکملر بولم بیایر . مجرد بویله فی الجمله توافق وجودندن طولانی یاره کویانه ادعالدق القشقمق ارباب دانش و اطلاعک شائی دکلدر . شریعت جدیده ایله مبعوث اولان بر پیغمبر ایچون شرائع سالفه نك بوتون احکامنی رفع ایتک شریعتیدر ؟ حضرت موسی (ع.م) یعقوب و یوسف علیهما السلامک شرعی، حضرت عیسی (ع.م) بوتون احکام توراتی رفع والفا ایتشمیدر ؟

شریعت محمدیه ایسه « ان اتبع ملة ابراهيم خيفسا » مثللو آیات قرآنیه شهادتیله هر شریعتدن زیاده شرع ابراهیمی به موافق قدر از جمله « واذ ابتلى ابراهيم ربه بكلمات فاطمين » نظم شریفی تفسیرینده بیان اولدیغی اوزره اسالاساس نظافت و انتظام اولان اون عدد سنان ابراهیمی [۱] - که ارجح اقواله کوره نظم جلیله مذکور « کلمات » بولرله تفسیر اولنقددر - « عشر من الفطرة قص الشارب واعفاء اللحية والسواك الخ » حدیث شریفله بوا تمه توحیه بیورلمشدر . بونلرک بر قسمی نسلبری حضرت اسماعیل بن ابراهیم علیهما السلامه منتهی اولان قریشلرده قبل الاسلامده بولنوردی . چونکه قبیله رسول اولان قریش قومیتلری، عادات قدیمه لرینی محافظه یه یک زیاده اعتنا ایله چالیشیرلردی . حتی خیلی زمان توحید باری عقیده جلیله سنی ده ضایع ایتمه مشلردی . فقط بعثت محمدیه دن بر قاج یوز سنه اقدم « عمرو بن لخی » خزاعی نام کیسه شامدن کنتردیکی بتلری قریش ایچنه صوقاراق تدریجاً اولنری ده بتپرستلکه آلبشیدردی . حتی کعبه معظمه بر تخانه شکلنه تحویل اولندی .

[۱] طرناقلری کسمک . بیقلری قرقق ، صفال صالی و برمک ، مسواک طوتیق ، مضمضه ، استنشاق ، ختان ، تنفابط ، حلق عانه « فضله قیللری دوشورمک » ، استنجا واستبرا . بونلرک هر برینک احکام و فوائدی « شرعة الاسلام » کتابنده تفصیل ایدلمشدر .

(دوزی) دیدکاری جاهل خاقیت اعلانی ده رسول اکرم افندیمنک کندی طرفندن واقع ظن ایدرک کال تهالکله استخفافه جرأت ایتمشدر . حالبوکه قرآن کریمده کی « ما کان محمد اباً احد من رجالکم ولکن رسول الله وخاتم النبیین » فرموده سبحانینک حاوی اولدیغی بو اخبار قطعی ده معجزات فرقانیه نك ال بیوکلرندندر . بو منکر حریرلر بر از انصافه مالک اولوب ده تواریح عالمه عطف انظار ایتسملر بو اخبار الهی یی استخفاف دکل بلکه ثبوت رسالت محمدیه یه از هر جهت کافی عد اولنه جق بر برهان عظیم اولدیغی ادراک ایدرلر ، قبول اسلامیه مسارعت کونترلردی . چونکه بو کون یوز سنه ، بشیوز سنه دکل تمام بینک اوچویزیکرمی یدی سنه کچدیکی حالده دنیا نك هیچ بر طرفنده بر پیغمبر نه کورلمش ، نه ایشیدلمشدر . اکر اخبار مذکور مرسل رسل اولان جناب باری طرفندن وارد اولماش اولسه یدی تا دور جناب آدم دنبری سنت جاریه سبحانیه اولان ارسال رسل کیفیتی بعثت محمدیه دن صکره نهایت بولورمی ! سلسله انبیا بالکلیه منقطع اولورمی ایدی ؟

قوجه منکر ! بویله کونش کی ظاهر ، باهر حقیقتلردن کوز یومیورده ۴۴ ، ۴۵ صحیفه لدرده کورلیدیکی اوزره (اقرأ باسم ربك الذی خلق . خلق الانسان من علق . اقرأ وربك الاکرم الذی علم بالقلم . علم الانسان ما لم یعلم) آیات جلیله نك معنای شریفی آکلایوب مبدء وحیه آشکار اولان مناسبت کامله سنی ادراکدن عاجز اولدیغی - درمیان ایتدیکی مناقشاتله - ضمناً اعتراف ایتدیکی حالده « قرآنده درین فکرلر ، دلربا تعبیرلر یوقدر . نظریات شاعرانه یی حاوی دکلدر . » دیمکه کندیسنده صلاحیت کورویور . وای کیدی تجاوز حد ! وای . صوکره بونکله ده تسکین غیظ ایدمه یدرک ادراک محاسنندن بی بهره اولدیغی احکام اسلامیه حقنده « دین اسلام شبهه سز دینلرک ال یک ادا اولانی ، تعدیل و تکمله الک آز مستعد اولانی در » دییه ده بر طاقم ده ها صاحبلر صاووریور . حالبوکه تزییف ایدیم دیرکن مدح و ثناده بولندیغنک فرقنده دکلدر . زیرا « یک ادا » اولمق انتظام نامی ، تعدیل و تکمله معروض اولما مق ده حد ذاتنده مکملیت واعتدالی حائز اولمق دکل ده نه در . بوسوزلر ایله من حیث لایشعر استعینبالله « الیوم اکملت لکم دینکم واتممت علیکم نعمتی » نظم عالیسنک مفادینی اعتراف ایتش اولیور . فسبحان الله

« لها معان کعوج البحر فی عدد . وفوق جوهره فی الحسن والقیم » فلا تعد ولا تحصى عجائبه لانسام علی الاکثار بالسام مفاد عالیسنجه ، اوتوز ، قرق جلد تفسیر یازان ابن جریرلر ، محی الدین عربیلر ، زحشریلر ، فخرالدین رازیلر لدنیات قرآنی یی احاطه ایدمه مدکلرینی اعتراف ایدرلرده بر قاج آیته طوغری معنی و بر مکدن عجزی نمایان بر شخص اجنبی اوتانمهدن اورته یه جیقاراق قرآن مینک دقائق فیکریه دن خالی اولسنه قدر ادعالرده بولنیور . حتی شعر قیلندن اولمادیغی بیله فرق ایتوب حالا او کتاب مقدسده نظریات شاعرانه آرایوب طور مقوله کنندیغی عالمه کولنج ایدیور . صوکراده بر آلا ی

سر سملر بو هز لیاتک عین حقیقت دبیہ قبولی. اخوان مسلمینہ توصیه ده بولبورلر .

مناسرتلی اسماعیل حق

طلوع نور هدی

زمان حاضر دن بیک اوچیوز سکسان برسنه مقدم شهر نیسانک یکر میسنه مصادف شهر ربیع الاولک اون ایکنجی بازار ایرتدی کیجه سی؛ مکة مکرمه ده بنی هاشم نام محله (دارالتبایعه) دینلان خانه ده؛ نور هدی پرتو افزای طلوع اولدی. یعنی سرائر وحدایتک حامل ذی شریفی حضرت (محمد مصطفی) صلی الله علیه وسلم افندمن عرصه شهوده قدم باصدی .

ابراهم حلبی حضرتلری سیر حلبی نام تألیفنده «بوسرای ملائک شعب بنی هاشم نام محله بروقت حجاجک برادری محمد بن یوسف الثقفی به اتما ایله شهرتیب برخانه پر فیض اولدینی رسیده صحتدر صکره خلفای اسلامیه بوجای اقدسی حسن محافظه ایتشلردر» دینلیور . اسماعیل حق حضرتلری ده محمدیه شرحنده «جناب رسالتناه اکرمک مولدی اولان سعادتخانه بعض روایت کوره صفایاننده هارون الرشیدک زوجة محترمه سی جناب زبیدهک بنا ایتدیکی مسجدک یریدر حالا نماز قیلینیر بوراسی حضرت خدیجة الکبری رضی الله عنہا سعادتخانه سی ایدی که حضرت فاطمه رضی الله عنہا بوخانه ده عالم شهودی تشریف ایتشلردی . رسول اکرمک مولدی اولان خانه مسجد حرامدن صکره افضل بقاع الارضدر «وفیه کلام فوقه غیر خفی علی اهل المذاق من اهل الخیر والمعاینه فافهم» دیمشدر .

حضرت خدیجة الکبری رضی الله عنہا سعادتخانه لری محلی الیوم غایت معمور اولوب اصل سرائ حضرت ادهانی او سعادتخانهک یقیننده اولوق اوزره زیارتکاه انامدر . له الحمد والمئه مکة مکرمه ده بومقام مقدسی زیارت شرف عظمتنه مظهر اولمشدر .

الیوم غایت معمور ومزین واوستی قبه ایله مستور اولوب الحلة هذه مسجد شریفدر وبرعالی مناره سی ده واردر .

حین زیارتده دوشوندک مکة بومقام ؛ نه عالی برجای مقدسدر . زیرا جناب عبدالله وجناب آمنهک زفافی بوراده شرف وقوع بولمشدی . جوهر جسم احمدی ؛ مشیمه سعادت وسیمه مادره بوراده رغبه نمای عزوشرف اولمشدی . طقوز آی صکره ایسه حضرت آمنه دن ؛ او نور قلوب اهل ایمان بوراده شرف ظهوریله عالم دنیایی تنویر ایتمشیدی .

سعدکارزونیک (المولداکیر للنبی البشیر) نام اثر معتبرلرندن نقلاً جواهر بواهرده محرر اولدینی اوزره اوشب مبارکده حضرت آمنهک نزد عصمتیناهاپلرنده عشره بشردن عبدالرحمن بن عوف حضرتلرینک والده لری شفا خاتون حضرتلری واردر . او بانوی حرمسرای عصمت بیوررکه «سائر قادینلر کبی حمل صفتیسی چکمدم وهیچ بر آغزلق حس ایتدم او کیجه رؤیاده برینی کوردم یا آمنه

محقق بیلیملین که سن خیرالعلانی حامله سک طوغدینی وقت نام پاکنی (محمد) قویه سن دیدی . صکره مهیب برسس ایشتم کمال خوف ایله او سسک کلدیکی طرفه باقدیغم آنده همان بریاض قوش کلوب قنادیله بنی اوقشادی حکمة الله او آنده قورقوم زائل اولدی . او کیجه مهر جهان افروز نبوت ، نور اجلال ایله قدومنی اظهار بیوردقده بندن برنور لمعان ایتدی یرده کوکده چشمه بونوردن بشقه برشی کورنمدی حور جنانی ، ملائکه کرامی ودها نیجه خارق العاده حالاتی کوردم .

مشارایها شفا خاتونک کوزینه وقت ولادت مقدسه محمدیه ده مشرقدن مغربه قدر بتون دنیا نور ایله طولمش اوله رق کورونمش ، ودها برچوق عجائبات مشهودی اولمش ، او ثمره شجره نبوت افندمن نهانخانه غییدن مشارایهاک الارینک اوزرینه لطافتله شرف ورود ایشدر . بوقصه جلیله شفای شریفده وشرحلرنده تفصیلاً مسطوردر .

جهانه محض رحمتدر ورودک یارسول الله
محقق فیض حقدر فیض جودک یارسول الله
ظهورک نورخورشید سپهر افرینشدر
خلاصه سر اقدمدر وجودک یارسول الله

بوکیجه فجر صادق طلوع ایدرکن کزیده بنی آدم دخی شرف بخش عالم دنیا اولمشلردی . وجود انور محمدی به آرامکاه اولان جای مبارکده کی طاش او وجود اقدسی اغوش احترامنده بولندیرمق ایچون پاموقدن بموشاق اولمشدی . نیکم شمائل شریفه پیغمبری صرهنده (اذا مشی علی الرمل لا یؤثر فیه واذا مشی علی الصخر لان تحت قدمیه) دینلمشدر که رسول اکرم افندمن حضرتلری قوم اوزرنده یوروسلر مبارک پای سعادتک ایزی بللی اولمز وطاش اوزرینه باعارلرسه رسم قدم سعادتلری ظاهر اولوردی طاش بموشاردی . [۱]

مسخر امریکه هپ جمله اشیا سکندر قول سنکدر حکم افندم بوطاشک وجود پاک محمدی به تماس ایتسی یوزندن بوی عطرنک احمدی طاشه تأثیر ایتش بیک اوچیوز سکسان برسنه در اورایحه طیبه طاشدن زائل اولمامشدر . طاشنده وجود نبونک یری الآن بالیدر . بونی تقیل ایتدیکم زمان رایحه طیبه دن حصه مند اولدیفندن کونلرجه مدهوش اولدم بورای زیارتله شرفیاب اولان هر زائرک بوحال مشهودیدر .

ینه شمائل سنیه صرهنده کلیر : (اذا وضع یده علی رأس الیتیم تبقی رایحه کفه الشریف شهرآ وحقی یعلم من شدد رایحه ان هذا الطفل هو الذی وضع رسول الله صلی الله علیه وسلم کفه الشریف علی رأسه) یعنی نبی محترم افندمن حضرتلری سسوقاقده بریتیم

[۱] خرقة سعادت دائرة فاخره سننده و حضرت خالد رضی الله عنہک تربته شریفه سننده بولنان زیارت اولنه کلن ایکی قطعه رسم قدم پاک نبوی بی حاوی طاشلر بوسوزک شاهد حقیقیسیدر .